



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 447 005
Centrala: 032 447-000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 01-02-4180/20
Zenica, 29.07.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača **PREVENT SAFETY DOO GORAŽEĐE**, kao najpovoljnije za javnu nabavku **Jednokratna zaštitna odijela 30g** za potrebe JU Kantonalna bolnica Zenica (pregovarački postupak javne nabavke bez obavještenja, tender broj:31-A-64/20, i sa najpovoljnijom ukupno ponudenom cijenom od 28.500,00 KM, bez PDV-a, i dodjelje ugovor navedenom ponuđaču, na ukupnu vrijednost ponude od 28.500,00 KM, bez PDV-a.

II

Sa odabranim ponuđačem zaključiće se ugovor, na iznos od **28.500,00 KM**, bez PDV-a, odmah nakon objave odluke o izboru najpovoljnijeg ponuđača, u skladu sa članom 98.stav (2) tačka a) Zakono o javnim nabavkama.

III

Javna nabavka je provedena putem hitnog pregovaračkog postupka bez objave obavještenja, tender broj: 31-A-64/20, bez objave ex-ante obavještenja o transparentnosti.

IV

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj: 103/14), Komisija za nabavku robe - JEDNOKRATNA ZAŠTITNA ODIJELA 30g za potrebe JU Kantonalna bolnica Zenica (tender broj: 31-A-64/20), imenovana Odlukom direktora broj: 01-02-519-1/20 od 17.07.2020. godine podnosi direktoru JU Kantonalna bolnica Zenica izvještaj o provedenom postupku javne nabavke robe - JEDNOKRATNA ZAŠTITNA ODIJELA 30g za potrebe JU Kantonalna bolnica Zenica (tender broj: 31-A-64/20).

Odlukom direktora, broj: 01-02-519/20 od 17.07.2020. godine pokrenut je postupak javne nabavke robe - JEDNOKRATNA ZAŠTITNA ODIJELA 30g za potrebe JU Kantonalna bolnica Zenica (tender broj: 31-A-64/20), ukupne procijenjene vrijednosti 28.500,00 KM bez PDV-a za zaključivanje ugovora pregovaračkim postupkom BEZ objave obavještenja o nabavci, a u skladu sa članom 21. st.1.tačka d) Zakona o javnim nabavkama.

Pregovarački postupak bez objave obavještenja je odabran za korištenje iz sljedećih razloga:

Zakonom o javnim nabavkama BiH, član 21. propisani su uslovi za dodjelu ugovora o nabavci putem pregovaračkog postupka bez objave obavještenja, i to, d) kada izuzetno, zbog dokazivih razloga krajnje hitnosti prouzrokovane događajima nepredvidivim za ugovorni organ ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak za objavu obavještenja.

Okolnosti kojima se opravdava izuzetna hitnost postupka ni ukom slučaju ne smiju se dovesti sa ugovornim organom.

Obzirom da je dana 17.07.2020. godine zbog pogoršanja epidemiološke situacije i velikog porasta broja hospitaliziranih i teških pacijenata donesena Naredba i ista objavljena u Službenim novinama Federacije, broj: 48/20 o proglašenju epidemije zarazne bolesti COVID 19 na cijelom području Federacije BiH stekli su se uvjeti za provođenje hitnog pregovaračkog postupka bez objave obavještenja.

U cilju borbe i zaštite od korona virusa, hitno potrebno obezbijediti neophodna zaštitna sredstva u Bolnici, zbog potrebe zaštite medicinskog osoblja u kontinuiranom liječenju teških pacijenata u Bolnici od virusa COVID-19, a zbog okolnosti da ne postoji nijta druga zakonska mogućnost za nabavku navedene zaštitne opreme, smatramo da su ispunjeni uslovi za provođenje hitne nabavke navedene robe putem pregovaračkog postupka bez objave obavještenja. Prije pokretanja pregovaračkog postupka, ugovorni organ je izvršio istraživanje tržišta, uputio zahtjev za dostavu ponude prema ponuđačima koji se bave prometovanjem navedenih zaštitnih sredstava i to firmama: Prevent Safety d.o.o. Goražde, Diaprom d.o.o. Posušje, Enemon d.o.o. Breza, Omniamedic d.o.o. Zenica i Medichem d.o.o. Sarajevo. Nakon kojeg je pristigla 1 /jedna/ ponuda i to ponuda firme Prevent Safety d.o.o. Goražde na iznos od 28.500,00 KM bez PDV-a, tako da se pregovarački postupak javne nabavke proveden samo sa navedenim ponuđačem.

Na osnovu člana 28. st. (4) ZJN, u cilju transparentnog postupanja, ugovorni organ je na svojoj internetskoj stranici objavio informacije o pregovaračkom postupku bez objave obavještenja o predmetnoj nabavci, na način da je objavio tendersku dokumentaciju i učinio dostupnom za sve druge zainteresirane kandidate/ponuđače, te iste pozvao za učešće u postupku.

Poziv za učešće u predmetnoj javnoj nabavci poslan je ponuđaču dana 20.07.2020. godine sa rokom za prijem zahtjeva za učešće do 22.07.2020.godine (srijeda) do 11,00 sati i otvaranjem ponuda/zahtjeva za učešće zakazanim za dan 22.07.2020.godine u 11,10 sati.

Nakon isteka roka za dostavljanje zahtjeva za učešće, Komisija za nabavke je u 11,15 sati pristupila realizaciji **I faze** nadmetanja odnosno predkvalifikacije tj. analizi dokumentacije priložene uz zahtjev za učešće u smislu provjere njihove validnosti obzirom na iskazane kvalifikacione zahtjeve ugovornog organa u tenderskoj dokumentaciji, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija konstatuje da zahtjev za učešće/ponudu dostavio je jedini pozvani kandidat:

1. „PREVENT SAFETY“ D.O.O. GORAŽDE

USLOVI ZA KVALIFIKACIJU I POTREBNI DOKAZI

Lična sposobnost kandidata (član 45. Zakona o javnim nabavkama BiH)

U svrhu dokazivanja lične sposobnosti kandidat je dužan dokazati da:

- u krivičnom postupku nije osuđen pravosnažnom presudom za krivično djelo organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registrovan;
- je ispunio obaveze u vezi s plaćanjem direktnih i indirektnih poreza u skladu s važećim propisima u Bosni i Hercegovini ili zemlji u kojoj je registrovan.

U svhu dokazivanja kvalifikovanosti iz tačke 5.1. kandidat je dužan dostaviti Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH, Prilog broj 2 (u prilogu ove TD), ovjerenu kod nadležnog organa.

Ukoliko kandidat bude odabran kao najpovoljniji ponudjač, dužan je dostaviti original ili ovjerene kopije dokumenata navedenih u svrhu dokazivanja činjenica datih u Izjavi, i to:

- izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponudaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Izjava ne smije biti starija od 15 /petnaest/dana od dana predaje ponude.

Original ili ovjerene kopije dokumenata ne mogu biti stariji od tri (3) mjeseca, računajući od momenta predaje ponude i moraju sadržavati potvrdu da je u momentu predaje ponude kandidat ispunjavao sve uslove koji se traže TD, u protivnom će se smatrati da je kandidat dao lažnu izjavu iz člana 45. Zakona o javnim nabavkama BiH. Dokaze je izabrani ponudjač dužan dostaviti na adresu ugovornog organa u roku od 5 (pet) dana od dana zaprimanja obavještenja o dodjeli ugovora.

Kao dokaz o ispunjavanju uslova iz tačke 5. 1. pod c) i d), ugovorni organ prihvata i sporazum kandidata sa nadležnim poreskim institucijama o reprogramiranom, odnosno odloženom plaćanju obaveza, uz dostavljanje potvrde od strane poreskih organa da kandidat u predviđenoj dinamici izmiruje svoje reprogramirane obaveze.

Ukoliko ugovorni organ bude imao sumnje u postojanje okolnosti vezanih za ličnu sposobnost kandidata, ugovorni organ će se obratiti nadležnim organima s ciljem provjere dostavljene dokumentacije iz tačke 5.1 i Izjave iz tačke 5. TD.

Ugovorni organ će odbiti zahtjev za učešće ukoliko utvrdi da je ponudjač bio kriv za težak profesionalni propust počinjen tokom perioda od tri godine prije početka predmetnog postupka, koji ugovorni organ može dokazati na bilo koji način, posebno značajni i /ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

Tehnička i profesionalna sposobnost (član 46. Zakona o javnim nabavkama BiH)

Sposobnost obavljanja profesionalne djelatnosti

Ponudjač je dužan u svrhu dokazivanja profesionalne djelatnosti dokazati da je:

- registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova obavljanja profesionalne djelatnosti, ponudjač je dužan dostaviti:

- aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude,

Dokazi pod a) dostavljaju kao ovjerena kopija originala s tim da datum izdavanja originala (samo za uslov pod a) ne može biti stariji od tri mjeseca računajući od dana dostavljanja ponude.

Ukoliko ponudu dostavlja grupa ponudjača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ukoliko ponudu dostavlja grupa ponudjača, svi članovi grupe dostavljaju zajedno dokaze u smislu ispunjavanja uslova.

Ostali uslovi za kvalifikaciju

Izjave koje su sastavni dio ponude ponudjača:

- Izjava kandidata o nepromjenljivosti cijene iz ponude za sve vrijeme trajanja ugovora,
- Izjava kandidata o roku isporuke u skladu sa tačkom 4. TD,
- Izjava kandidata o mjestu isporuke u skladu sa tačkom 3. TD,

- Izjava kandidata o važenju ponude u trajanju od 120 /stodvadeset/dana
- Izjava kandidata o načinu plaćanja u roku od 60 /šezdeset/ dana bezavansno

6. Sukob interesa /korupcija

U skladu sa članom 52. stav (2) Zakona o javnim nabavkama kandidat je dužan u zahtjevu za učešće dostaviti i posebnu pismenu izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci.

Ukoliko kandidat ne dostavi izjavu ili je ne dostavi na način tražen u TD, zahtjev za učešće će biti odbačen kao nedopušten.

Obrazac navedene izjave je dat u prilogu TD i predstavlja sastavni dio ove TD.

PODACI O ZAHTJEVU ZA UČEŠĆE

Sadržaj zahtjeva za učešće i način pripreme zahtjeva za učešće

Kandidati su obavezni da pripreme zahtjeve za učešće u skladu sa uslovima koji su utvrđeni u ovoj TD. Zahtjevi za učešće koji nisu u skladu sa ovom TD će biti odbačeni kao neprihvatljivi, sve u skladu sa članom 68. Zakona o javnim nabavkama. Kandidati ne smiju mijenjati ili nadopunjavati tekst TD.

Kandidati snose sve troškove nastale na ime pripreme i dostavljanja njihovih zahtjeva za učešće. Ugovorni organ ne snosi nikakve troškove kandidatu.

Zahtjev za učešće se izrađuje na način da čini cjelinu. Ako zbog obima ili drugih objektivnih okolnosti zahtjev za učešće ne može biti izrađen na način da čini cjelinu, onda se izrađuje u dva ili više dijelova.

Zahtjev za učešće se čvrsto uvezuje na način da se onemoguću naknadno vađenje ili umetanje listova.

Stranice zahtjeva za učešće se označavaju brojem na način da je vidljiv redni broj stranice.

Zahtjev za učešće neće biti odbačen ukoliko su listovi zahtjeva za učešće numerisani na način da je obezbijeden kontinuitet numerisanja.

Zahtjev za učešće mora sadržavati izjave i dokumente tražene ovom TD, i to:

- *Zahtjev za učešće na Obrascu, Prilog broj 1;*
 - Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH (**Prilog broj 2**), ovjerenu kod nadležnog organa,
 - Dokumente i izjave koje dokazuju ispunjavanje uslova iz člana 45. i 46., Zakona o javnim nabavkama BiH u skladu sa tačkom 5.1. i 5.2. TD,
 - Izjava o ne davanju mita i ne učestvovanju u radnjama koje za cilj imaju korupciju u predmetnoj javnoj nabavci (član 52. Zakona o javnim nabavkama BiH) (**Prilog broj 3 TD**), ovjerenu kod nadležnog organa;
 - Obrazac povjerljivih informacija, **Prilog broj 4.TD**,
 - Izjave kandidata u skladu sa tačkom 5.3. Tenderske dokumentacije
- Ukoliko Zahtjev za učešće/ponude, umjesto lica upisanog u sudski registar, potpisuje ovlašteno lice, potrebno je uz Zahtjev za učešće, dostaviti i Original ili ovjerenu fotokopiju punomoći lica ovlaštenog za potpisivanje Zahtjeva za učešće/ponuda.

Kandidat **„BH TELECOM“ d.o.o. Sarajevo** dostavio sljedeća tražena dokumenta:

- Obrazac za dostavljanje ponude sa popisom dostavljenih dokumenata, Prilog broj 1 TD popunjen, ovjeren i potpisan od strane ponuđača
- Izjava o ispunjenosti uvjeta iz člana 45. stav (1) tačke od a) do d) ZJN, Prilog broj 2, ovjerena od strane nadležnog organa dana 20.07.2020. godine,
- Pismena izjava iz člana 52. ZJN, ovjerena kod nadležnog organa dana 20.07.2020. godine, Prilog broj 3.
- Obrazac za povjerljive dokumentacije, Prilog broj 4, nema povjerljivih informacija, popunjen i ovjeren od strane ovlaštene osobe,
- Aktuelni izvod iz sudskog registra Općinski sud u Goraždu, kopija ovjerena od strane nadležnog organa 20.07.2020.
- Izjava ponuđača o nepromjenjivosti cijena za vrijeme trajanja ugovora, roku isporuke- 3 dana od dana potpisivanja ugovora, mjestu isporuke, JU KBZ, roku važenja ponude - 120 dana i roku plaćanja koji iznosi 60 dana od dana ispostavljanja nje fakture, potpisana i ovjerena od strane ovlaštene osobe,

Komisija utvrđuje da kandidat zadovoljava kvalifikacione uvjete, utvrđene članom 10. TD, odnosno sa izjavama i dokumentima traženim u tačke 4 i 9. TD, te se konstatuje da je kandidat uz Zahtjev za učešće dostavio dokumente tražene TD u ovjerenim kopijama.

Kandidat **“PREVENT SAFETY“ D.O.O. GORAŽDE** pozvan je da dostavi inicijalnu ponudu do 24.07.2020. (petak) godine do 10,00 sati, otvaranje koverta sa inicijalnom ponudom istog dana 10,05 sati, te vođenje pregovora sa kandidatom 24.07.2020.godine u 10,15 sati.

II Uvidom u Inicijalnu ponudu, uslove propisane TD i suštinskom provjerom sadržaja i validnosti dokumentacije, Komisija je utvrdila da je ponuđač uz Inicijalnu ponudu dostavio sljedeća tražena dokumenta:

- Naslovna strana na memorandumu ponuđača
- Obrazac za dostavljanje inicijalne ponude sa popisom dostavljenih dokumenata – **Prilog broj 1.**
- Obrazac za cijenu inicijalne ponude – **Prilog broj 2**
- Izjava dobavljača o prihvatanju garancije za uredno izvršenje ugovora - **Prilog broj 3.**
- Popunjen, potpisan i ovjeren nacrt ugovora- **Prilog broj 4.**
- Izjava o prihvatanju općih i posebnih uslova tenderske dokumentacije -**Prilog broj 5.**

Komisija za nabavku je uvidom u Obrazac za cijenu Inicijalne ponude utvrdila da je ponuđena cijena je **28.500,00 KM bez PDV-a.**

Komisija je utvrdila da je ponudjač dostavio sva tražena dokumenta te da se može pristupiti pregovorima sa istim. Pregovori će se obaviti odmah nakon završetka ocjene Inicijalne ponude.

Predmet pregovora je cijena, te mogućnost davanja popusta ili rabata.

Pozvan je predstavnik ponuđača da se očituje u pogledu davanja popusta ili rabata u odnosu na ponuđenu cijenu u Inicijalnoj ponudi.

Ponuđač je u vezi Inicijalne ponude izjavio sljedeće: **Ostajemo pri cijeni datoj u Inicijalnoj ponudi. Eventualne popuste ćemo iskazati u Konačnoj ponudi.**

Sastanak završen u 10.30 sati.

Komisija je nakon pregovora obavijestila ponudjača da će biti pozvan da dostavi svoju konačnu ponudu isti dan **27.07.2020. god. do 13,00** sati na bazi uvjeta koji su razmotreni na pregovorima.

IV Uvidom u Konačnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač uz Konačnu ponudu dostavio sljedeća tražena dokumenta:

- Naslovna strana, dostava Konačne ponude u postupku nabavke roba, na memorandum ponuđača potpisana i ovjerena od strane ovlaštene osobe;
- Obrazac za dostavljanje konačne ponude sa popisom dostavljene dokumentacije -Prilog 1
- Obrazac za cijenu konačne ponude- Prilog 2

Komisija za nabavku je uvidom u Obrazac za cijenu Konačne ponude kandidata za nabavku roba: JEDNOKRATNA ZAŠTITNA ODIJELA 30g za potrebe JU KB Zenica, utvrdila da je ponuđena cijena je 28.500,00 KM bez PDV-a.

Komisija je utvrdila da je ponudjač "PREVENT SAFETY" D.O.O. GORAŽDE dostavio sva tražena dokumenta, da je Konačna ponuda zadovoljila kriterije za zaključivanje ugovora.

Komisija jednoglasno donosi preporuku da se direktoru JU Kantonalna bolnica Zenica predloži donošenje odluke o izboru ponudjača "PREVENT SAFETY" D.O.O. GORAŽDE kao najpovoljnijeg ponudjača za nabavku roba JEDNOKRATNA ZAŠTITNA ODIJELA 30g za potrebe JU KB Zenica (tender broj: 31-A-64/20), na iznos ponuđene cijene od 28.500,00 KM KM bez PDV-a na dvogodišnjem nivou, te zaključivanje ugovora sa odabranim ponuđačem.

Na osnovu gore navedenog, donesena je odluka kao u dispozitivu

Pouka o pravnom lijeku:

Protiv ove odluke može se uložiti žalba Kantonalnoj bolnici Zenica u roku od 10 (deset) dana od dana prijema iste.



Direktor

Prof.dr.sc prim Rasim Skomorac

A large, stylized handwritten signature in blue ink, located to the right of the official stamp and the name of the director.